



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1721. usque ad annum 1724

**Fleury, Claude**

**August. Vind. [u.a.], 1783**

**VD18 90119304**

§. 10. Mediobarbus Legatus Apostolicus a Mandarinis male habitus.

---

[urn:nbn:de:hbz:466:1-67596](https://nbn-resolving.org/urn:nbn:de:hbz:466:1-67596)

## §. X.

*Mediobarbus Legatus Apostolicus a  
Mandarinis male habitus.*

Mirabatur vehementer, & stomacha- *Du Halde*  
batur etiam Legatus, quod illi, *l. c.*  
qui sanctæ Sedis auctoritatem sese quam *p. 154. &*  
maxime revereri profiterentur, post so- *155.*  
lemnem, cognitamque ejusdem Sedis  
definitionem tam indigne de summo  
Pontifice, ejusque Constitutione ac  
Legato loqui ac sentire præsumerent.  
Ex hac agendi ratione plane exiguus  
Legationis successus sperari poterat;  
ipse enim Imperator sensim Pontificem  
tanquam Virum nimis credulum de-  
ceptumque contemnere, necnon Le-  
gati Apostolici fidem suspectam habere  
cæpit: Ad illius exemplum Mandarini  
Legatum albis dentibus liberrime de-  
ridebant, ac præprimis Imperatoris  
jussu eidem exponebant, quod sua Ma-  
jestas in præsentis rerum vicissitudine  
eidem haud ultra sit permiffura, ut in  
ejus conspectum prodiret, sed sua Ma-  
jestas scriptotenus cum eo deinceps sit  
actura, & vicissim etiam Legatus pro-  
ponenda, per literas proponeret, & pro  
fideli scriptorum interpretatione ipse-  
met Interpretem seligeret, eoquod Eu-  
ropæi minus fideles essent. His adde-  
bant

Sæc. XVIII.  
A. C. 1721.

bant Mandarinini, se non capere, quo jure Pontifex Sinensibus jussa dare præsumeret, cum tamen hi ejus subditi non essent. Respondit Legatus, permolestum sibi accidere, se nullius culpæ conscium suæ Majestatis conspectu privari, se tamen etiam in hoc, sicut in omnibus aliis, quæ salva conscientia posset, suæ Majestati obtemperaturum, selectum vero Interpretis, se suæ Majestatis arbitrio relicturum, eoquod ei illorum fides diutius, certiusque cognita esset: Mandarinis vero reposuit Legatus, Pontificem nequaquam Sinensibus imperare, sed duntaxat Christianos a rebus Catholicæ religioni contrariis avertere: Postea Legatus de mediis Imperatorem placandi cum Jesuitis deliberavit, his vero nonnisi Constitutionis suspensionem suadentibus, non sine indignatione discessit, mox autem obviam habuit Mandarinum *Tsong-tou*, qui agitantis furibus velut lymphatus, & amens in Legatum irruit, apprehensoque ejus collo (quod apud Sinenses summi contemptus species est) in eum convitia & maledicta congerens exclamavit, *propter te capitis periculum incurro, sed prius te occidam.* Hujus quoque Mandarinini aliorumque famuli sæpius Legati Cubicularium adorti, alapas ei inflixere, barbamque evel-

Vid. t. 70.  
pag. 580.

evellentes eidem plures alias intule Sæc. XVIII.  
 runt injurias, quas honestas re- A. C. 1721.  
 ferre prohibet: Accesserat etiam Eu-  
 nuchus *Cinsu*, qui Legato palam de-  
 clarabat, quod Imperator Mandarinum  
*Tsong-tou* severe castigare decreverit,  
 eoquod Legatum nec petita Imperato-  
 ris licentia, nec expositis legationis  
 hujus causis Peckinum conduxisset:  
 cum vero Legatus tot ærumnis, mo-  
 lestiis, & afflictionibus pene confectus,  
 macilentus vultuque pallidus esset, qui-  
 dam Mandarinus Legato in faciem ex-  
 probrabat, quod ex livoris ac rabiei  
 vehementia contra Imperatorem con-  
 cepta palleceret: hanc contumeliam  
 haud dissimulandam ratus, reposuit  
 Legatus, *tam sincera veneratione Impera-  
 torem colo, ut nulla omnino adversitas eam  
 imminuendo par sit, palleasco quidem, sed  
 duntaxat ob intensissimum, quo crucior, do-  
 lorem, eoquod infortunatus ego votis suæ  
 Majestatis satisfacere nequeam: His dictis  
 abiere omnes.*

## §. XI.

*Apostolici Legati responsum ad Im-  
 peratoris edictum.*

Vespere ejusdem diei rediere præfati  
 Mandarinum unacum Europæis, qui  
 a Legato responsum ad nuperum Im-  
 pera-